

## Script of Evening Gojri News Bulletin 04 October 2024 at 1700 Hrs

ایوننگ گو جری نیوز بلیٹن مو رخہ 04 اکتوبر 2024

\*\*\*\*\*

یوہ آکا شوانی جموں ہے محمد امین انجم تے نصرت چودھری تیں خبر سٹو۔ پہلاں خاص خاص خبر۔

\*\*\*\*\*

- \*1۔ صدر جمہوریہ درویدی مُرمو نے راجستھان مانہہ عالمی مسائل با رے روحانی کردار اُجاگر کیو۔
- \*2۔ جموں کشمیر اسمبلی چناواں غا تیجا مرحلہ مانہہ مرداں غا مقابلہ مانہہ کالسریاں نے متی گنتری مانہہ ووٹ پایا۔
- \*3۔ وزیر اعظم نریندرمو دی پلک پردھان منتری کسان سمان ندھی غی 18 ویں قسط کاری کریں گا۔
- \*4۔ تے مرکزی وزیر دفاع نے بھارت غی دفاعی صنعت نانہہ با اختیار بنان واسطے فر عزم ظاہر کیو۔

\*\*\*\*\*

خبراں غی تفصیل نال پہلا محمد امین انجم۔

### Prez Summit

صدر جمہوریہ درویدی مُرمو نے کہیو ہے جے روحانی حل نا صرف ذاتی زندگی بلکہ سماج تے مائی دھرتی سنگ جڑیا کئی مسائل تیں وی حاصل کیا جا سکین۔ محترمہ مرمو اج راجستھان مانہہ عالمی سربراہ کانفرنس غا افتتاحی اجلاس سنگ خطاب کر رہی تھیں۔ مذکورہ کانفرنس ابو روڈ غا مقام ور برہمہ کمار سنستھان غی طرفوں منعقد کی گئی ہے۔ انہاں نے ہر ایکن نانہہ کہیو ہے وہ بھارت سرکار غی طرفوں چلائی گئی والدہ گاناں ور شجر کاری کرن غی مہم مانہہ شامل وین۔ صفائی ستھرائی با رے محترمہ مُرمو نے کہیو ہے اس نانہہ تمام روایتاں واں مانہہ اہمیت دتی گئی ہے۔ پروگرام مانہہ راجستھان غا گو رنر ہری بھاؤ با گڑے نے وی خطاب کیو۔

\*\*\*\*\*

### Women Voters

اس مہینہ غی پہلی تاریخ نانہہ منعقد ہوا تیجا مرحلہ غا چناؤ مانہہ کالسریاں نے مرداں غا مقابلہ مانہہ متی تعداد مانہہ ووٹ پایا ہیں۔ مہارا نمانندہ نے رپورٹ ٹوری ہے جے بھارتی چناؤ کمیشن غی طرفوں جاری نظر ثانی شدہ عداوشمار غے مطابق کل ووٹراں وچوں تقریباً 64 فیصد ووٹینگ جہڑی جے جموں کشمیر غے اندر تیجا مرحلہ مانہہ ہوئی تھی۔ مانہہ 70 فیصدی تیں متی خواتین ووٹراں نے ووٹ پایا۔ تے اس طرح اُن غی فیصد مرد ووٹراں غا مقابلہ مانہہ متی رہی۔ تیجا مرحلہ مانہہ جموں ضلع غا مڑھ ایس سی اسمبلی حلقہ تیں سب تیں متی ووٹینگ درج کی گئی جہڑی جے 81 عشاریہ 47 فیصد تھی۔ اس تیں بعد چھمب مانہہ 84 عشاریہ 34 فیصد رائے دہندگان نے اپنا ووٹ غا حق غو استعمال کیو۔ اس سلسلہ مانہہ یکم اکتوبر نانہہ ہون آلا 40 اسمبلی حلقاں غا چناواں مانہہ سب تیں کھٹ ووٹ سوپو ر اسمبلی حلقہ مانہہ پایا گیا جت 45 عشاریہ 32 فیصد پولینگ ہوئی۔

\*\*\*\*\*

### Panchayat Election

جموں کشمیر مانہہ اس سال غا اخیر توڑی پنچائیت تے شہری اکائیاں غا چناؤ متوقع ہیں۔ اس سلسلہ مانہہ لوک سبھا تے جموں کشمیر مانہہ اسمبلی چناؤ ختم ہون تیں بعد عہدیداراں نے کہیو ہے جے مقامی چناؤ دسمبر مہینہ مانہہ منعقد وین گا۔ عہدیداراں غے مطابق ہن جموں کشمیر مانہہ پنچائیت تے شہری اکائیاں غا چناؤ واسطے تیاریاں چل رہی ہیں۔ اس مقصد غی خاطر اسمبلی چناؤ پُر امن طریقہ نال کران واسطے حفاظتی دستا تعینات کیا تھ۔ جہڑا پنچائیت تے شہری اکائیاں غا چناؤ مکمل ہون تک اتے رہیں گا۔ عہدیداراں نے کہیو ہے جے حفاظتی دستاں نانہہ ات ہی رکھن واسطے اُن غی دوبا رہ تعیناتی تے اُن جان نانہہ دھیان مانہہ رکھتاں واں لیو گیو ہے۔ قابل ذکر ہے جے جموں سرینگر مانہہ میونسپل کا رپوریشناں غی مُدت پچھلے سال نومبر مانہہ ختم ہو گئی تھی۔

\*\*\*\*\*

### Reasi EVM

ضلع ریا سی مانہہ 25 تاریخ نانہہ ہوا چناؤ تیں بعد برقیاتی ووٹینگ مشین گلاب گڑھ، شری ماتا ویشنو دیوی اور ریا سی حلقاں تیں آئی گئیں۔ انہاں نانہہ پولیٹیکنک کالج ریا سی تے جنرل زور اور سنگھ ڈگری کالج ریاسی مانہہ رکھی گئیں ہیں۔ اس سلسلہ مانہہ ضلع چناؤ افسر ریا سی وشیش مہاجن نے اس طرح کہیو۔۔۔ با نٹ۔۔

\*\*\*\*\*

### Doda DEO

ضلع چناؤ افسر ڈوڈہ ہر بندر سنگھ نے ضلع غا 3 اسمبلی حلقاں غا ووٹاں غی گنتری با رے انتظامات غو جائزو لیو۔ انہاں نے گنتری با رے ڈی سی فتر احاطہ مانہہ کو ٹینگ ہال غو معائنو کیو۔ اس سلسلہ مانہہ انہاں نے کہیو۔۔۔ با نٹ۔۔

\*\*\*\*\*

### Training Rajouri

ووٹاں غی گنتی با رے ضلع راجو ری مانہہ دو جا دور غی تربیت دتی گئی ہے۔ ضلع غا 5 اسمبلی حلقاں تہنہ منڈی، نوشہرہ، کالاکوٹ، سُندر بنی تے بُدل واسطے ووٹاں غی گنتری 8 اکتوبر نانہہ کی جا ئے گی۔ اجلاس غے دوران ضلع نوٹل افسر برائے تربیت نسیم ملک نے اس طرح کہیو۔۔۔ با نٹ۔۔

\*\*\*\*\*

یہ خبر تم آکاشوانی جموں تیں سُن رہیا ہیں خبراں غا باقی حصہ نال نصرت چودھری۔

### PM Kisaan Instalment

وزیر اعظم نریندر مو دی کل مہاراشٹر مانہہ پردہان منتری کسان سمان یدھی سکیم غی 18 ویں قسط جاری کریں گا۔ بھارت غا 9 عشاریہ 4 کروڑ تیں متا کساناں نانہہ 20 ہزار کروڑ تیں متی رقم اُن گا بینک کھاتاں مانہہ جا وے گی بغیر کسی دلالی کے۔ مرکزی وزیر ذراعت شیو راج سنگھ چوہان تے مرکزی وزیر برائے ماہی پروری، مال چوکھر تے ڈیری راجیو رجن سنگھ اس تقریب مانہہ شرکت کریں گا۔ تقریباً 2 عشاریہ 5 کروڑ کسان ویب کا سٹ غے ذریعے شامل ویں گا۔ جن مانہہ 7 سو 32 کریشی وگیان کیندر، 1 لکھ تیں متا پرنمری ایگری کلچر کا پورٹو سوسائٹی تے 5 لکھ کامن سروس سینٹرز شامل ویں گا۔ پی ایم کسان اُنسو دیوس گا موقعہ و ریاستاں تے مرکزی زیر انتظام علاقہ مانہہ خصوصی تقریبات منعقد کی جا ئیں گی۔ 24 فروری 2019 نانہہ شروع کی گئی پی ایم کسان سکیم کساناں نانہہ 3 قسطاں مانہہ ہر سال 6 ہزار روپیہ دے۔ 18 ویں قسط 5 اکتوبر نانہہ جاری کی جا ئے گی۔ سکیم گے تحت کل 3 عشاریہ 45 لکھ کروڑ روپیہ تقسیم کیا جا ئیں گا۔ جہیڑا ملک پھر مانہہ 11 کروڑ تیں متا کساناں غی مدد کرے گا۔ پی ایم کسان قسط غی تقسیم گے نال نال وزیر اعظم مہاراشٹر گا کساناں نانہہ نمو شیکری ندهی یوجنا غی 5 ویں قسط غے تحت تقریباً 2 ہزار کروڑ روپیہ غا اضافی فائدو وی جا ری کریں گا۔ تانجے ان غی کوششاں مانہہ مزید تعاون کیو جا سکے۔

\*\*\*\*\*

### Cabinet PM RKVY

مرکزی کا بینہ نے پا ئیدار ذراعت نانہہ فروغ دین تے خوراک غی حفاظت نانہہ یقینی بنان واسطے 2 بڑی سکیمیں نانہہ منظوری دے دتی ہے۔ جہیڑی پر دہان منتری راشٹریہ کریشی وکاس یوجنا تے کریشونتی یوجنا ہے۔ یہ سکیم 1 لکھ کروڑ روپیاں تیں زیادہ غا کل بجٹ غے نال لاگو کی جا ئیں گی۔ جس مانہہ پی ایم آر کے وی وائی واسطے 57 ہزار کروڑ تیں متا تے کریشونتی یوجنا واسطے 44 ہزار کروڑ تیں زیادہ شامل ہیں۔ یوہ فیصلو کئی موجودہ ذریعے سکیمیں نانہہ ان دوہاں پروگراماں مانہہ جوڑن واسطے کیو کیو ہے تا نجے تال میل نانہہ بہتر بنا یو جا سکے۔ نوی دہلی مانہہ میڈیا نال گل کرتاں واں مرکزی وزیر اشنو ویشنو نے کہیو کہ کا بینہ غی میٹنگ مانہہ لیا گیا فیصلہ کساناں غی آمدنی بدہان تے درمیانہ طبقہ آلا لوکاں واسطے غذائی تحفظ نانہہ یقینی بنا تیں متعلق ہیں۔ انہاں نے یقین ظاہر کیو کہ ان اقدامات تیں کساناں غی آمدنی مانہہ بابدو وے گا۔

\*\*\*\*\*

### Rajnath Singh

مرکزی وزیر دفاع راجناتھ سنگھ نے بھارت غی دفاعی صنعت نانہہ مضبوط کرن تے ملک نانہہ اک عالمی مینی فیکچرنگ مرکز مانہہ تبدیل کرن و حکومت غا عزم و زور دتو ہے۔ 4 اکتوبر 2024 نانہہ سو سائٹی آف انٹینٹین ڈیفنس مینی فیکچرر غی 7 واں سالانہ اجلاس نال خطاب کرتاں واں انہاں نے اک مضبوط دفاعی اڈھ غی ضرورت و روشنی کہلی خاص طور و روس، یوکرین گا جا ری تنازعہ غی روشنی مانہہ حکومت اُتر پر دیش تے تامل ناٹو مانہہ دفاعی راہداری جیسا اقدامات غی حمایت کرتاں واں خود انحصاری تے اختراعی دفاعی ماحولیاتی نظام غی تعمیر واسطے اپنی کوششاں نانہہ جاری رکھن غو ارادو رکھے۔

\*\*\*\*\*

### Shardy Navratri

نو راتری گا پہلا 2 تہاراں غے دوران 70 ہزار تیں متا عقیدت منداناں نے کلڑا ماتا ویشنو دیوی گفہ غا درشن کیا ہیں۔ نو راتری 3 اکتوبر نانہہ شروع ہو ئی تھی۔ نو راتری جس غو مطلب ہے 9 رات بندو قمری کلینڈر مانہہ یہ 9 رات کا فی اہمیت غی حامل ہیں۔ یہ 9 مقدس دن پورا شمالی بھارت مانہہ بڑا جوش و خروش غے نال منایا جا ئیں۔ بہت سارا لوک اس مانہہ ورت رکھیں۔ اپنی خوراک نانہہ صرف پھلاں تک محدود رکھیں۔ مہارا ضلع نمائندہ دویندر ٹھاکر نال گل کرتاں واں اک عقیدت مند نے اپنا خیالات گو اظہار کجھ اس طرح کہیو۔۔۔ اس سلسلہ مانہہ پیش ہے مہارا ضلع نمائندہ غی یاہ رپورٹ۔

\*\*\*\*\*